



Government Gazette Staatskoerant

REPUBLIC OF SOUTH AFRICA
REPUBLIEK VAN SUID-AFRIKA

Regulation Gazette

No. 7167

Regulasiekoerant

Vol. 435

Pretoria, 7 September 2001

No. 22663



AIDS HELPLINE: 0800-0123-22 Prevention is the cure

CONTENTS

No.		Page No.	Gazette No.
GOVERNMENT NOTICE			
Labour, Department of			
<i>Government Notice</i>			
R. 861	Labour Relations Act (66/1995): Correction Notice: Road Freight Industry: Extension of A-Collective Amending Agreement to Non-parties.....	3	22663

INHOUD

No.		Bladsy No.	Koerant No.
GOEWERMENTSKENNISGEWING			
Arbeid, Departement van			
<i>Goewermentskennisgewing</i>			
R. 861	Wet op Arbeidsverhoudinge (66/1995): Verbeteringskennisgewing: Padvrag- nywerheid: Uitbreiding van A-Kollektiewe Wysigingsooreenkoms na Nie-partye	3	22663

GOVERNMENT NOTICE GOEWERMENSKENNISGEWING

DEPARTMENT OF LABOUR DEPARTEMENT VAN ARBEID

No. R. 861

7 September 2001

LABOUR RELATIONS ACT, 1995

CORRECTION NOTICE

ROAD FREIGHT INDUSTRY: EXTENSION OF A-COLLECTIVE AMENDING AGREEMENT TO NON-PARTIES

Substitute the following for the Afrikaans notice which appears in Government Notice No. R. 812 in *Government Gazette* No. 22610 of 31 August 2001:

No. R. 861

7 September 2001

WET OP ARBEIDSVERHOUDINGE, 1995

VERBETERINGSKENNISGEWING

PADVRAGNYWERHEID: UITBREIDING VAN A-KOLLEKTIEWE WYSIGINGSOOREENKOMS NA NIE-PARTYE

Vervang die Afrikaanse kennisgewing wat in Goewermentskennisgewing No. R. 812 in *Staatskoerant* No. 22610 van 31 Augustus 2001 verskyn, deur die volgende:

"No. R. 812

31 Augustus 2001

WET OP ARBEIDSVERHOUDINGE, 1995

PADVRAGNYWERHEID: UITBREIDING VAN A-KOLLEKTIEWE WYSIGINGSOOREENKOMS NA NIE-PARTYE

Ek, Membathisi Mphumzi Shepherd Mdladlana, Minister van Arbeid, verklaar hierby, kragtens artikel 3 (2) van die Wet op Arbeidsverhoudinge, 1995, dat die Kollektiewe Wysigingsooreenkoms wat in die Bylae hiervan verskyn en wat in die Nasionale Bedingingsraad vir die Padvragnywerheid aangegaan is en kragtens artikel 31 van die Wet op Arbeidsverhoudinge, 1995, bindend is op die partye wat die Ooreenkoms aangegaan het, bindend is vir die ander werkgewers en werknemers in daardie Nywerheid, met ingang van 10 September 2001, en vir die tydperk wat op 28 Februarie 2002 eindig.

M. M. S. MDLADLANA

Minister van Arbeid

BYLAE**NASIONALE BEDINGINGSRAAD VIR DIE PADVRAGNYWERHEID****A-KOLLEKTIEWE OOREENKOMS**

ooreenkomstig die Wet op Arbeidsverhoudinge, 1995, gesluit deur en aangegaan tussen die

Road Freight Employers' Association

(hierna die "werkgewers" of die "werknemersorganisasie" genoem), aan die een kant en die

Motor Transport Workers' Union (South Africa)**South African Transport Workers' Union****Professional Transport Workers' Union of South Africa****South African Transport and Allied Workers' Union**

en

Transport and Allied Workers' Union

(hierna die "werknemers" of die "vakbonde" genoem), aan die ander kant, wat die partye is by die Nasionale Bedingsraad vir die Padvagnywerheid.

tot wysiging van die Ooreenkoms gepubliseer by Goewermentskennissgewing No. R. 186 van 1 Maart 2001 en R. 265 van 23 Maart 2001.

1. TOEPASSINGSBESTEK

- (1) Hierdie Ooreenkoms moet in die Padvagnywerheid nagekom word—
 - (a) deur alle werkgewers wat lede van die werkgewersorganisasie is en deur alle werknemers wat lede van die vakbonde is, en wat onderskeidelik daarin betrokke en werksaam is;
 - (b) in die landdrosdistrikte Alberton, Benoni, Boksburg, Brakpan [uitgesonderd die gedeeltes van die landdrosdistrikte Boksburg en Brakpan wat voor die publikasie van Goewermentskennissgewing No. R. 1779 van 6 November 1964, binne die landdrosdistrik Heidelberg, geval het, en uitgesonderd die gedeeltes van die landdrosdistrik Brakpan wat voor 1 April 1966 en 1 Julie 1972 (Goewermentskennissgewings Nos. R. 498 en R. 871 van onderskeidelik 1 April 1966 en 26 Mei 1972), binne die landdrosdistrik Nigel geval het], Delmas, Germiston, Johannesburg, Kempton Park [uitgesonderd die gedeeltes wat voor 29 Maart 1956 en 1 November 1970 (Goewermentskennissgewings Nos. R. 556 en R. 1618 van onderskeidelik 29 Maart 1956 en 2 Oktober 1970) binne die landdrosdistrik Pretoria geval het], Krugersdorp [met inbegrip van die gedeeltes wat die landdrosdistrikte Koster en Brits wat voor onderskeidelik 26 Julie 1963 en 1 Junie 1972 (Goewermentskennissgewings Nos. R. 1105 van 26 Julie 1963 en R. 872 van 26 Mei 1972), binne die landdrosdistrik Krugersdorp geval het], Oberholzer (uitgesonderd die gedeelte van die landdrosdistrik Oberholzer wat voor die publikasie van Goewermentskennissgewing No. R. 1745 van 1 September 1978, binne die landdrosdistrik Potchefstroom geval het), Randburg (uitgesonderd die gedeelte wat voor die publikasie van Goewermentskennissgewing No. R. 2152 van 22 November 1974 binne die landdrosdistrik Pretoria geval het), Randfontein (met inbegrip van gedeeltes van die landdrosdistrik Koster wat voor die publikasie van Goewermentskennissgewing No. R. 1105 van 26 Julie 1963, binne die landdrosdistrik Randfontein geval het, maar uitgesonderd die plase Moadowns 1, Holfontein 17, Leeuwpan 18, Ireton 19, Pahtiki 20, Bospan 21 en Rietfontein 48), Roodepoort, Springs, Vanderbijlpark, Vereeniging en Westonaria.
- (2) Ondanks subklousule (1), is hierdie Ooreenkoms slegs van toepassing op werknemers vir wie minimum lone voorgeskryf word by hierdie Ooreenkoms en op die werkgewers van sodanige werknemers.
- (3) Ondanks subklousule (1) is hierdie Ooreenkoms nie van toepassing nie op—
 - (a) 'n eienaar wat sy eie voertuig dryf en die werknemers wat in verband met sodanige voertuig in diens is; en
 - (b) 'n werkgewer wat een vragmotor met een drywer bedryf, en die werknemers in diens van sodanige werkgewer.
- (4) Die bepalings van klousule 1 (1) (a) 1A en 3 van hierdie Ooreenkoms is nie van toepassing op werkgewers en werknemers wat nie lede is van die werkgewersorganisasie en die vakbonde wat die Ooreenkoms aangegaan het nie.

1A. GELDIGHEDSDUUR VAN OOREENKOMS

Hierdie Ooreenkoms tree in werking op die datum wat die Minister van Arbeid ingevolge artikel 32 van die Wet op Arbeidsverhoudinge, 1995, vasstel en bly van krag tot 28 Februarie 2002.

2. KLOUSULE 2: WOORDOMSKRYWINGS

- (1) In subklousule (1) vervang die eerste paragraaf met die volgende:
 - "(1) Tensy die teenoorgestelde blyk, het alle uitdrukkings wat in die Ooreenkoms gebesig en in die Wet op Arbeidsverhoudinge, 1995, omskryf is, dieselfde betekenis as in die Wet, en enige verwysing na 'n Wet sal alle wysigings van die Wet insluit; en enige verwysing na die enkelvoud sal die meervoud insluit en omgekeerd; en enige verwysing na enige geslag sal die teenoorgestelde geslag insluit; tensy teenstrydig met die inhoud daarvan."
- (2) In subklousule (1) voeg die volgende nuwe omskrywing in na "verpakker/laaier":

"**deeltydse werknemer**" 'n werknemer wat nie voltyds in diens is nie maar wat in diens geneem is op 'n permanente basis en van wie vereis word om 'n bepaalde en beperkte aantal ure per dag, per week, of per maand te werk'.

3. KLOUSULE 5: BETALING VIR OORTYDWERK

- (1) Vervang subklousule (5) met die volgende:
 - "(5) behoudens die bepalings van subklousule (1) kan 'n werkgewer deur 72 uur geskrewe kennis aan 'n werknemer te gee, 'n werknemer wat oortyd werk op 'n skaal betaal van nie minder nie as—
 - (a) die gewone basiese loon vir oortyd gewerk en ten minste 20 minute se tyd af t.o.v. oortyd betaalbaar teen een en 'n derde sy oortyd loon en 30 minute se tyd af ten opsigte van oortyd betaalbaar teen een en 'n half maal sy uurloon, met volle betaling vir elke uur gewerk; of
 - (b) ten minste 80 minute se betaalde tyd af t.o.v. oortyd betaalbaar teen een en 'n derde maal sy uurloon en 90 minute betaalde tyd af ten opsigte van oortyd betaalbaar teen een en 'n half maal sy uurloon vir elke uur gewerk."

4. KLOUSULE 10: WERKURE EN OORTYDURE

- (1) In subklousule 7 voeg die volgende nuwe paragraaf (d) in:

"(d) 'n werkgewer sal 'n werknemer vir elke tydperk van 9 ure of deel daarvan gewerk in 'n kompakte werkswaek met 'n skof krediteer vir 'n maksimum van 5 skofte per week. Met dien verstande dat 'n werkgewer die reg sal hê om 'n skof af te trek vir elke dag wat die werknemer afwesig is van die werk vir 'n rede wat nie in die omskrywing van 'n "skof" omskryf is nie."

- (2) In subklousule (8) voeg die volgende nuwe paragraaf (c) in:

"(c) 'n werkgewer moet 'n werknemer met 5 skofte krediteer vir elke week waarin 'n skema van gemiddelde werksure in werking is: Met dien verstande dat 'n werkgewer by magte sal wees om 1 skof af te trek vir elke dag wat 'n werknemer afwesig is van sy werkplek vir redes wat nie in die omskrywing van "skof" gespesifiseer is nie".

5. KLOUSULE 13: VERLOFSOLDYFONDS

- (1) In subklousule (1) (a) voeg die volgende nuwe paragraaf (iii) in:

"(iii) 'n werkgewer van 'n afloswerker wat vir meer as 90 dae in 'n 12 maande tydperk in diens was sal 'n bedrag aan die werknemer betaal gebaseer op die volgende formule vir elke gewone uur of gedeelte daarvan gewerk:

$$\frac{25 \times \text{ekwivalente weekloon}}{100 \times 195}.$$

- (2) In subklousule (1) (a) voeg die volgende nuwe paragraaf (iv) in:

"(iv) 'n werkgewer van—

(aa) 'n deeltidse werknemer wat minder as 15 uur per week werk, of;

(ab) 'n afloswerker wat in diens geneem is om meer as 90 dae in 'n 12 maande tydperk te werk,

moet aan elke werknemer 'n bedrag betaal, bereken volgens die formule in paragraaf 13 (1) (i) hierbo vir elke uur of gedeelte van 'n uur, gewerk."

6. KLOUSULE 14: VAKANSIESOLDYBONUSFONDS

- (1) In subklousule (1) (a) vervang paragraaf (ii) met die volgende:

"(iii) 'n werkgewer van—

(aa) 'n deeltidse werknemer wat minder as 15 uur per week werk, of;

(ab) 'n afloswerker wat in diens geneem is om meer as 90 dae in 'n 12 maande tydperk te werk,

moet aan elke werknemer 'n bedrag betaal, bereken volgens die formule in paragraaf 14 (1) (i) hierbo vir elke uur of gedeelte van 'n uur, gewerk."

7. KLOUSULE 15: SIEKTEFONDS

- (1) In subklousule (1) (a) vervang paragraaf (iii) met die volgende:

"(iii) 'n werkgewer van—

(aa) 'n deeltidse werknemer wat minder as 15 uur per week werk, of;

(ab) 'n afloswerker wat in diens geneem is om meer as 90 dae in 'n 12 maande tydperk te werk,

moet aan elke werknemer 'n bedrag betaal, bereken volgens die formule in paragraaf 7 (1) (i) hierbo vir elke uur of gedeelte van 'n uur, gewerk."

8. KLOUSULE 18: UITGAWES VAN DIE RAAD

- (1) In subklousule (1) vervang "0,3%" met "0,4%" in die eerste reël van paragraaf (a).

9. KLOUSULE 26: SUIKERRIET SEKTOR

- (1) Voeg die volgende nuwe subklousule (e) in:

"(e) Gekonsolideerde toelaes—werknemers sal 'n pro rata toelaag van R100,00 per maand ontvang, waarvan enige van die volgende toelaes afgetrek kan word nl. skof, verblyf, behuising, rantsoen of ander toelaes van 'n substantiewe aard wat aan 'n werknemer betaal word."

10. KLOUSULE 29: WETSTOEPASSINGKOSTE/REGSKOSTE

- (1) Vervang klousule 29 met die volgende:

"Wanneer dit nodig of dienstig word dat die Raad 'n geding in 'n bevoegde forum instel ten einde enige bedrag te verhaal wat 'n werkgewer aan 'n werknemer verskuldig is maar nie aan die Raad oorbetal het nie, sal die debiteur in sodanige geval aanspreeklik wees vir alle kostes deur die Raad aangegaan om die verskuldigde bedrag te verhaal, en sluit dit ook kostes in wat bereken word op 'n prokureur/klënteskaal in die geval waar 'n regspraktisyn deur die Raad opdrag gegee is om die bedrag te vorder".

11. KLOUSULE 31: OPENBARE BESTUURSPERMIT

- (1) Wysig die opskrif van die klousule soos volg "PROFESSIONELE BESTUURSPERMIT"; en
- (2) In subklousules (1), (2) en (3) vervang die woord "Openbare" met "Professionele" in elk van die subklousules.

12. NUWE KLOUSULE 41

Voeg die volgende nuwe klousule 41 in:

"KLOUSULE 41: DEELTYDSE WERKNEMERS

- (1) Die werknemer en werkgever moet 'n geskrewe dienskontrak aangaan wat die vaste werkure wat die deeltydse werknemer per dag, per week, per maand moet werk uiteensit.
- (2) Die minimum loon van 'n deeltydse werknemer moet bereken word as 'n gedeelte van die loonskaal soos voorgeskryf in klousule 4 vir die kategorie werk wat deur die werknemer verrig word.
- (3) Die aantal deeltydse werknemers in diens by 'n werkgever mag as 'n gemiddeld bereken nie 30% van die totale aantal werknemers in diens by die werkgever oor 'n periode van 12 maande oorskry nie.
- (4) 'n werkgever moet 'n deeltydse werknemer met 5 skofte per week krediteer op die betrokke dag waarop die werknemer moes werk, tensy die werknemer afwesig is, a.g.v. omstandighede wat nie in klousule 13 (5) uiteengesit is nie."

13. NUWE KLOUSULE 42

Voeg die volgende nuwe klousule 42 in:

"KLOUSULE 42: BETALING VAN BYDRAES

- (1) Die Sekretaris kan na eie oordeel, bydraes wat deur 'n werkgever inbetaal is, ingevolge klousule 13, 14, 15 en 18 toewys om enige tekorte van bydraes verskuldig deur die werkgever en werknemers ingevolge klousule 7 van die Voorsorgfonds Ooreenkoms, aan te vul en dit sal geag word dat die Raad onvoldoende fondse in reserwe het om betalings ten opsigte van verlofsoldyfonds, vakansiebonussoldyfonds en siektefonds te maak wat betaalbaar is ingevolge bogenoemde klousules."

Vir en namens die partye by die Raad, op hede die 17de dag van April 2001 te Johannesburg onderteken.

G. F. VAN NIEKERK

Voorsitter van die Raad

J. J. DUBE

Ondervoorsitter van die Raad

B. S. E. GRATZ

Sekretaris van die Raad"



*Looking for back copies and out of print issues of
the Government Gazette and Provincial Gazettes?*

The National Library of SA has them!

Let us make your day with the information you need ...

National Library of SA, Pretoria Division

PO Box 397

0001 PRETORIA

Tel.:(012) 321-8931, Fax: (012) 325-5984

E-mail: infodesk@nlsa.ac.za



*Soek u ou kopieë en uit druk uitgawes van die
Staatshoerant en Provinsiale Koerante?*

Die Nasionale Biblioteek van SA het hulle!

Met ons hoef u nie te sukkel om inligting te bekom nie ...

Nasionale Biblioteek van SA, Pretoria Divisie

Posbus 397

0001 PRETORIA

Tel.:(012) 321-8931, Faks: (012) 325-5984

E-pos: infodesk@nlsa.ac.za

Printed by and obtainable from the Government Printer, Bosman Street, Private Bag X85, Pretoria, 0001

Publications: Tel: (012) 334-4508, 334-4509, 334-4510

Advertisements: Tel: (012) 334-4673, 334-4674, 334-4504

Subscriptions: Tel: (012) 334-4735, 334-4736, 334-4737

Cape Town Branch: Tel: (021) 465-7531

Gedruk deur en verkrygbaar by die Staatsdrukker, Bosmanstraat, Privaatsak X85, Pretoria, 0001

Publikasies: Tel: (012) 334-4508, 334-4509, 334-4510

Advertensies: Tel: (012) 334-4673, 334-4674, 334-4504

Subskripsies: Tel: (012) 334-4735, 334-4736, 334-4737

Kaapstad-tak: Tel: (021) 465-7531